

Sepintas

KUALA LUMPUR

Penutupan Smart dilanjut

Penutupan Terowong Smart kepada lalu lintas sejak petang Sabtu lalu akan dilanjutkan beberapa hari lagi sebagai langkah berjaga-jaga sekali gus mengelakkan banjir di ibu kota berikutan keadaan cuaca yang tidak menentu kebelakangan ini.

Pegawai Keselamatan Trafik Terowong Smart, Mohd Radzi Osman, berkata terowong dibuka berdasarkan keadaan cuaca selain memastikan sistem keselamatan berfungsi sempurna termasuk operasi pembersihan.

"Pembukaan semula Terowong Smart tertakluk kepada cuaca dan jika hujan lebat beberapa hari ini, terowong terpaksa diguna untuk mengalirkan air berlebihan ke Sungai Klang bagi mengelakkan banjir di Kuala Lumpur," katanya.

